

Odluku o prestanku primjene Odluke visokog predstavnika br. 128 od 4. decembra 2001.godine (Službene Novine Federacije BiH, br. 56/01)

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Opštег okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o implementaciji civilnog dijela Mirovnog ugovora; i posebno uvezvi u obzir član II. 1. (d) istog Sporazuma prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući se na stav XI. 2 Zaključaka Savjeta za implementaciju mira koji se sastao u Bonu 9. i 10. decembra 1997. godine, u kojem je Savjet pozdravio namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora da bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa podstavom (c) ovog stava) i "druge mjere u svrhu obezbjeđivanja implementacije Mirovnog sporazuma na čitavoj teritoriji Bosne i Hercegovine i njenih entiteta";

Pozivajući se daljena član I: 1. pomenutog Aneksa 10 koji se isključivo odnosi na promovisanje poštivanja ljudskih prava i povratka raseljenih lica i izbjeglica;

Uzimajući u obzir važnost koju Upravni odbor Savjeta za implementaciju mira daje pitanju ubrzanja povratka izbjeglica i obezbjeđivanju potpune i nediskriminirajuće implementacije imovinskih zakona BiH;

Uzimajući dalje u obzir potrebu da se osigura da nadležni stambeni organi vrše dodjelu stambenih jedinica iz oskudnog stambenog fonda u skladu sa važećim imovinskim zakonima čime bi se omogućila blagovremena implementacija imovinskih zakona i osigurao smještaj pojedincima čije stambene potrebe nisu zadovoljene na drugi način;

Konstatirajući da je Federalno ministarstvo prostornog uređenja i okoliša donijelo *Uputstvo postupku utvrđivanja prava privremenog korisnika na obnovu ugovora o korištenju stana i postupku kontrole obnovljenih ugovora o korištenju stana* koje je objavljeno u Službenim novinama Federacije Bosne i Hercegovine br. 15/02 i kojim je utvrđen postupak za buduće obnove i kontrolu ugovora o korištenju stana;

Konstatujući dalje da se posebnom Odlukom Visokog predstavnika br. 156/02 od 22. maja 2002. godine proglašava *Uputstvo o postupku kontrole zaključenih i/ili obnovljenih ugovora o korištenju stana* kojim se uređuje postupak kontrole već zaključenih i/ili obnovljenih ugovora o korištenju stana;

Uzimajući u obzir moju *Odluku br. 128 od 4. decembra 2001. godine* objavljenu u Službenim novinama Federacije BiH, br. 56/01;

Uzimajući u obzir i imajući u vidu gore navedeno, ovim donosim:

ODLUKU

O PRESTANKU PRIMJENE ODLUKE VISOKOG PREDSTAVNIKA

BR. 128 OD 4. DECEMBRA 2001.GODINE

(Službene novine Federacije BiH, br. 56/01)

Član 1.

Ovom Odlukom prestaje privremena obustava postupka potvrđivanja ugovora o kupoprodaji stana i upisa prava

vlasništva na stanu po osnovu ugovora o korištenju stana zaključenih i/ili obnovljenih nakon 1. aprila 1992. godine, kako je regulirano *Odlukom Visokog predstavnika br. 128 od 4. decembra 2001. godine* (Službene novine Federacije Bosne i Hercegovine, br. 56/01).

Član 2.

Svi nadležni organi na teritoriji Federacije Bosne i Hercegovine dužni su primjenjivati *Uputstvo o postupku utvrđivanja prava privremenog korisnika na obnovu ugovora o korištenju stana i postupku kontrole obnovljenih ugovora o korištenju stana* (Službene novine Federacije BiH, br. 15/02) i *Uputstvo o postupku kontrole zaključenih i/ili obnovljenih ugovora o korištenju stana* proglašeno Odlukom Visokog predstavnika od 22. maja 2002. godine.

Član 3.

Ova Odluka se objavljuje bez odlaganja u Službenim novinama Federacije Bosne i Hercegovine, i stupa na snagu na dan njenog objavljivanja.

Sarajevo, 22. maj 2002. godine

Wolfgang Petrić

Visoki predstavnik